

摘藻堂四庫全書薈要

子部

欽定四庫全書薈要

子部
御定廣羣芳譜卷八十六

詳校官主事臣陳本

欽定四庫全書薈要卷一萬六百四十九

子部

御定佩文齋廣羣芳譜卷八十六

竹譜

雜錄
附
增補

雅筍竹萌註初生者疏竹初萌生謂之筍凡草木

初生謂之萌筍則竹之初生者故曰筍竹萌也可以為

菜穀 筍箭萌註萌筍屬 說文筍竹胎也 筍譜筍

始冒土者為萌生長挺挺然為筍 一名箭竹 土內皮中 謂之箭也

也筍與笋通或又作筍古文作夢

一名竹牙

即牙目之牙也

一名茁

謂竹萌初生茁茁然

一名初篁

初始也篁竹也

一名竹子

神異經云箒竹子美煮而食之張華注云子筍也

其種有筴竹筍

八月

生盡九月竹與筍俱有刺芒

邵竹筍

長節深根冬夏皆生

箭筍

十二月生會稽以來諸山絕多

筴筍

自甌越以南七月生至八月盡

驚筍

錢塘多生其色紫苞當驚至時生故俗謂驚筍

天

目筍

五月生盡六月色黃出天目山端午後方採鬻早歲則無

竹王林筍

其筍密密冒土南地

熱多冬生桃竹筍

生涪陵相思崖質柔弱有異

孤竹筍

三年生一筍及筍成竹竹母已枯

旋味筍

一名苦蒲筍福州南多生苦竹春則生筍土人煮食甚苦而且澀及停久則味還可食故名

簞竹筍

出交趾竹實中有毒筍亦肉實

桂竹筍

見山海經今未詳桂竹狀貌筍亦難識

簞

竹筍

生海畔山竹與筍皆有毛傷人則死又有荏筍同此毒

筍竹筍

竹本根長千丈生海畔山

其竹萌數丈猶為筍也

筍竹筍

無肉不可食

筍筍

七月生至十月間縉雲以南多出味苦節

疎大於箭筍少許山人採剥以灰汁熟煮之都為金色然後可食苦味減而甘食甚佳也

篾筍

出溫處建

以來春生可食

釣絲竹筍

南越多之下廣上銳味甘可食發病

木竹筍

今靈隱山中出筍堅

可食 叩竹筍

出蜀中臨叩春生羅浮山記曰此山左右時有之今山有筍生又早時候與蜀不同

赤

竹筍

出閩中無毒

衛丘竹筍

山海經注衛丘舜林中竹一節可以為船筍可知矣

蘆竹

筍

味苦可食出廬州

對青竹筍

可食出成都

慈母山竹筍

江寧縣南慈母山竹

其筍圓綴異於餘處三月生可食

鍾龍竹筍

可食 漢竹筍

一節可受二三斗味雖甘而澀

利竹筍

隨竹蔓而生亦實輒也

筍

筍嫩而節更薄

鄰竹筍

味同木竹筍

雲母

筍

廣志云大竹也其筍亦相稱

筍

尚書注筍輒美竹也母既曰美竹厥萌可曰美筍

筍

皮青而肉皙白

少室竹筍

長偉堪食

渭川筍

生晚四月方盛

鄂杜竹筍

鄂杜多竹而勁小西

鋪竹筍

出廣州可療風疾

相迷竹筍

生廣州減

夏結乾筍豈不是乎

鋪筍

桃枝竹筍

叢生其皮生毛聚蟲蟻而不可食

新婦竹筍

三月生可食筍

竹筍

可簞竹筍

其竹直二丈猶為筍而可食

雞頭竹筍

可食筍

脫殼乃為筍竹方

筍

竹葉大如履筍亦不大

筍

洪浦竹筍

其味美煮而食之

白鳥筍

相中有此竹生是筍

魚腸竹筍

其竹細而屈筍亦可識矣

筍

八月生止十一月皮黑紫色其心實人取細切鹽漬少頃以漿水漬再宿濕乾餅藏泥封謂之筍筍

摩筍

南人亦藏之為筍筍

荊竹筍

叢生

羅浮筍

甚臍直

雲丘帝筍

竹一節可

以為船筍大如木

匾竹筍

匡廬山中多生初冒土便匾薄堪食

箨筍筍

可食筍筍

吳越有之可食

簡簪竹筍

可食

纂竹筍

堅大可食自秋生至於冬末春即不生矣

筋竹

筍

天台圖經云五縣皆有

服傷筍

至四月已後方出味甚美

狗竹筍

寧海以來多有三月

生可食

笙竹筍

吳越多生

扶竹筍

是竹為筍便有合歡貌並出

慈竹筍

四月生江

南人多以灰煮食之入蘄黃生叢竹一叢數竿筍不外進只向裡生五六月長筍明年方成竹其筍不堪食

玳瑁竹筍

其筍脫殼微有斑文

龍牙竹筍

出永嘉大羅山春二月生

棘竹筍

味肥

食之落人鬢髮

筓竹筍

無味

雞脰竹筍

食之肥美

檳榔竹筍

見杜臺卿淮賦

毛

竹筍

出武陵洞口砍竹隨生

篁竹筍

無味

由梧竹筍

澀不可食按竹譜有由衙竹即

此

方竹筍

硬不堪食

丹竹筍

以色名

毛斑竹筍

絕不

沙麻竹筍

或云蘇麻竹或云麤麻竹此疑與斯摩同斯摩筍一人只可擔兩莖亦堪為筍

白竹筍

以色名

拂雲筓竹筍

大如指

雙梢竹筍

筍長獨莖及生枝葉即分為兩

簌竹筍

出

州臥龍山堪食甚美

木竹筍

初生時礧礧然不堪食與今吳會間木竹筍食美而甘味不同

水竹

筍

出黔南管内或巖下潭水中生隨水深淺以成節若深一丈則筍出水面為一節蠻蠻採取以為食

古

散竹筍

堪食

秋蘆竹筍

可食

鶴膝竹筍

可食

石籐竹筍

生閩中可食

紫竹筍

不宜食

月竹筍

每月抽筍筍如箭竹萌人不食也

三稜竹筍

筍細初抽

川中人家竹林中忽有云吉兆也

本草竹有雌雄根上第一子雙生

者雌也乃有筍土人於竹根行鞭時掘取嫩者謂之鞭

筍江南湖南人冬月掘大竹根下未出土者為冬筍東

觀漢記謂之苞筍並可鮮食為珍品南人淡乾者為玉

版筍明筍火筍鹽曝者為鹽筍並可為蔬食諸竹筍氣

味甘微寒無毒原筍譜筍利大腸無益於脾俗謂之

刮腸筍食者審焉

彙考增詩大雅其較維何維筍及蒲 周禮天官醢人加豆

之實筍菹雁醢筍菹魚醢注筍箭萌 南齊書劉懷珍

傳懷珍子靈哲字文明所生母嘗病靈哲躬自祈禱夢

見黃衣老公曰可取南山竹筍食之疾可立愈靈哲驚

覺如言而疾瘳 南史孝義傳郭平原宅上種竹夜有

盜其筍者平原遇見之盜者奔走墜溝平原乃於所植

竹處溝上立小橋令通又採筍置籬外隣里慚愧無復

取者 原南史隱逸傳沈道虔吳興武康人也有人拔

屋後大筍令人止之曰惜此筍欲令成林更有佳者相
與乃令人買大筍送與之盜者慚不取道虔使置其門
內而還 增唐書百官志司竹監掌植竹葦供宮中百
司簾篚之屬歲以筍供尚食 宋史禮志仁宗景祐三
年禮官宗正請每歲春季月薦蔬以筍果以含桃 呂
氏春秋和之美者越籜之筍註筍竹筍也 東觀漢記
馬援至荔浦見冬筍名苞上言禹貢厥苞橘柚疑謂是
也 原笑林漢人有適吳吳人設筍問是何物語曰竹

也歸煮其牀簣而不熟乃謂其妻曰吳人輓輓欺我如此
增華陽國志何隨人有盜其園筍隨見挈履而歸
恐盜者見也 楚國先賢傳孟宗字恭武至孝母好食

筍宗入林中哀號方冬為之出因以供養時人皆以為
孝感所致 述異記周武王時孤竹之國獻瑞筍一株
原酉陽雜俎張芬曾為南康親隨行軍常揀向陽巨
筍織竹籠之隨長旋培常留寸許度竹籠高四尺然後
放長秋深方去籠伐之一尺十節其色如金 增北戶

錄湘源縣十二月食斑皮竹筍諸筍無以及之 叩頭

錄皮藩去北而復來鄱陽食竹筍曰三年不見羊角哀
矣 雲仙雜記裴晉公於藍田得一大筍破之有三四

眼睛而香美過甚 清異錄海南島中一類筍極腴厚

而甚短島人號平頭筍 余為筍效傳休奕作墓誌曰

邊幼節字脆中晉林瑯琊之裔也以湯卒 廣政錄孟

氏有蜀時翰林學士徐光溥劉侍郎義叟分直忽覩庭

中筍迸出徐因題之劉性多譏誚徐托土本是蜀人徐

詩曰迸出斑犀數十株更添幽景向蓬壺出來似有凌雲勢因作丹梯得也無劉詩曰徐徐出土非人種枝葉難投日月壺為是因緣生此地從來長養譬如無二學士從此不睦 荀譜王宣居宇堂前有荀兩莖一日盜折而亡宣顧而不言 丁固仕吳性敦孝敬母嘗思荀固遂泣竹生筍 齊孝宣陳皇后性嗜筍鴨卵永明九年詔太廟祭后薦筍鴨卵云 木元虛著四明山記云雪竇山北巖生石乳其峯非人可升有毛竹銀筍詳其

毛竹自生毛筍若銀筍即銀鑛如筍或云毛竹筍白如銀唐夏侯彪之上新繁令問吏胥曰筍一莖幾錢曰一錢五莖取十千買五萬莖謂之曰吾未要且寄林中養之至秋竹成一竿十文遂成五十萬沈如琢成都人有孝行母亡負土成墳廬於側白鵠二棲於廬冬筍抽十莖天寶二年詔旌表朱梁高祖開平二年冬商州進筍以為瑞品詔賜太守幣帛程崇雅者遂州蓬山縣人有孝譽母冬月思筍焚香入林中哭泣感生大

筍數株 王子猷暫寄人家便令種竹或問暫居何煩

子猷笑曰何可一日無此君後代人謂竹都為此君今
作譜者可命筍為此君之子也 俗聞呼筍為龍孫若

然者龍未聞化竹竹化為龍豈宜言龍孫今詳理實竹
為龍龍且不生筍故嘉言巧論呼為龍孫耳 或問筍

有五色章采乎對曰江東黃筍閒居賦有青筍閩中賦
有素筍錢塘多紫桂筍自餘斑狸紉縹不可勝言大約
不過青綠色 愚著物類相感志常寄書問天目舊友

問山中所出伊僧嗜筍却回詩云山中人事違天眼中
修定我本無根株只將筍為命 金城記黎舉嘗云欲
以芥嫁筍但恨時不同耳 原冷齋夜話東坡嘗邀劉
器之同叅玉版和尚器之每倦山行聞叅玉版欣然從
之至蘆泉寺燒筍而食器之覺筍味勝問此筍何名東
坡曰即玉版也此老師善說法要能令人得禪悅之味
于是器之乃悟其戲為大笑東坡亦悅作偈曰叢林真
百丈嗣法有橫枝不怕石頭路來叅玉版師聊憑柏樹

子與問籜龍兒瓦礫猶能說此君那不知 增冷齋夜
話老杜詩曰筍根稚子無人見沙上鳬雛並母眠世或
不解稚子無人見何等語唐人食筍詩曰稚子脫錦裯
駢頭玉香滑則稚子為筍明矣贊寧雜志曰竹根有鼠
大如猫其色類竹名竹豚亦名稚子予問韓子蒼子蒼
曰筍名稚子老杜之意也不用食筍詩亦可耳 西溪
叢語杜牧之朱坡詩云小蓮娃欲語幽筍穉相攜言筍
如穉子與杜甫竹根稚子無人見同意 揮麈後錄富

鄭公晚居西都嘗會客於第中邵康節與焉因食羊肉
鄭公顧康節云煮羊惟堂中為勝堯夫所未知也康節
云野人豈識堂食之味但林下蔬筍則常喫耳鄭公赧
然曰弼失言 二老堂詩話紫芝云兩京作斤賣五溪
無人採此高力士詩也魯直作食筍詩云尚想高將軍
五溪無人採是也張文潛作薺羹詩乃云論斤上國何
曾飽旅食江城日至前嘗慕薺羹最清好固應加糝愧
吾緣則是高將軍所作乃薺詩耳非筍詩也二公同時

而用事不同如此不知其故予按二詩各因筍薺而借用作斤賣之句初非用事不同紫芝何其拘也 老學

菴筆記吳人謂杜宇為謝豹杜宇初啼時漁人得蝦曰謝豹蝦市中賣筍曰謝豹筍唐顧況詩曰綠樹村中謝豹啼也 齊東野語世傳涪翁喜苦筍嘗從斌老乞苦筍詩云南園苦筍味勝肉又和坡翁春菜詩云公如端為苦筍歸明日青衫誠可脫坡得詩戲語坐客云吾固不愛作官魯直遂欲以苦筍硬差致仕聞者絕倒嘗賦

苦筍云苦而有味如忠諫之可活國放翁又從而獎之
云我見魏徵殊嫵媚約束童兒勿多取於是世以諫筍
目之殊不知翁嘗自跋云余生長江南里人喜食苦筍
試取而嘗之氣苦不堪於鼻味苦不可於口故嘗屏之
未始為客一設及來黔中黔人冬掘苦筍萌于土中才一寸
許味如蜜蔗初春則不食惟棘道人食苦筍四十餘日
出土尺餘味猶甘苦相半以此觀之涪翁所食乃取其
甘非貴乎苦也南康簡寂觀有甜苦筍周益公詩云蔬

食山間茶亦甘況逢苦筍十分甜君看齒頰留餘味端
為森森正且嚴此亦取其甜耳世人慕名忘味甘心茶
苦者果何謂哉 福建志羅源縣回仙巖一石突起高
數十丈有僧名秀者常見呂洞賓來遊啖以一筍復以
手畫石作回仙巖三字回字蓋隱呂字也秀從此絕食
飛錫而去 福清縣石竺山其產少竹而多筍春夏之
交鄉人於此采筍欲多則不可得號濟貧筍 南安縣
苦竹山有隱君寓石林石曰存焉隱君好竹至今竹數

里瀾漫山中鄉人取筍號曰英筍 四川志筍簋山在
大渡河西北五十餘里曰前簋又行數十里曰後簋山
多筍故名樵蘇者以為衣食之源

集藻表增唐李嶠為百寮賀瑞筍表臣某等言伏見舊
明堂前有叢竹抽新筍數莖綠籜含霜紫苞承雪凌九
冬而擢穎冒重陰而發翠伏惟陛下仁兼動植化感靈
祇故得萌動惟新象珍臺之更始貞堅效質符聖壽之
無疆隣帝座而虛心當歲寒而抱節一人有慶萬類呈

祥凡在見聞孰不欣躍無任慶忭之至

尺牘增宋蘇軾與杜孟堅朱守餉筍云潭州來豈所謂
貓頭之穉者乎留之必為庖僧所壞盡致之左右饌成
分一盤足矣

頌增宋黃庭堅和宣叔乞筍頌筍克庖日百尾千角鹿
九首虺心生竅渾沌死搜中林擲稚子腹便便老饕耳
賦增宋黃庭堅苦筍賦棘道苦筍冠冕兩川甘脆愜當
小苦而反成味溫潤縝密多啖而不疾人葢苦而有味

如忠諫之可活國多而不害如舉士而皆得賢是其鍾
江山之秀氣故能深雨露而避風烟食肴以之開道酒
客為之流涎彼桂斑之夢永又安得與之同年蜀人曰
苦筍不可食食之動痼疾令人萎而瘠予亦未嘗與之
言蓋上士不談而喻中士進則若信退若眩焉下士信
耳而不信目其頑不可鑄李太白曰但得醉中趣勿為
醒者傳

文賦散句增漢張衡南都賦春卯夏筍 李尤七款橙

醢筍菹 晉潘岳閑居賦青筍紫薑 左思魏都賦淇

洹之筍 王彪之閩中賦紺箸素筍彤竿綠筒 梁簡

文帝七勵澄瓊漿之素色雜金筍之甘菹 杜臺卿淮

賦綠筒縹箭罕節疎目櫛榔之筍盛冬所育

五言古詩原唐盧仝寄男抱孫竹林吾所惜新筍好看

守萬籜抱龍兒攢迸溢林藪籜龍正稱寬莫教入汝口

叮嚀囑托汝汝活籜龍否 白居易食筍此州乃竹鄉

春筍滿山谷山夫折盈把抱來早市鬻物以多為賤雙

錢易一束置之炊甑中與飯同時熟紫籜拆故錦素肌
擘新玉每日遂加飡經時不思肉久為京洛客此味常
不足且食勿踟躕南風吹作竹 增宋蘇軾送筍與公
擇久客厭鹵饌枵然思南京故人知我意千里寄竹萌
駢頭玉嬰兒一一脫錦裯庖人應未識旅人眼先明我
家拙厨膳蔬肉芼蕪菁送與江南客燒煮配香粳 和
黃魯直食筍飽食有殘肉饑食無餘菜紛然生喜怒似
被狙公賣邇來誰獨覺凜凜白下宰一飯在家僧至樂

甘不壞多生味蠹簡食筍乃餘債蕭然映樽俎未肯雜
菰芥君看霜雪姿童穉已耿介胡為遭暴橫三嗅不忍
噉朝來忽解籜勢迫風雷噫尚可餉三閭飯筒纏五采
黃庭堅食筍十韻洛下斑竹筍花時壓鮭菜一束酬
千金掉頭不肯賣我來白下聚此族富庖宰蠹粟戴地
翻殼棘觸牆壞鱗鱗入中厨如償食竹債甘菹和菌耳
辛膳肺薑芥烹鵝雜股掌炮鱖亂羣介小兒哇不羨鼠
壤有餘噉可貴生於少古來食共噫尚想高將軍五溪

無人采 蕭巽葛敏修二學子和予食筍詩次韻答之

北饌厭羊酪南庖豐筍菜自北初落南幾為兒所賣習
知價廉平百態事烹宰鹽稀枯腊瘦蜜漬真味壞就根
煨茁美豈念炮烙債咀吞千畝餘胸次不蕞芥二妙各
能詩才名動江介論詩多佳句膾炙甘我嘖思君恩養
竹萬籟聽秋噫從此繕籜籬下令禁漁采 韭黃照春
盤菰白媚秋菜惟此蒼竹苗市上三時賣江南家家竹
翦伐誰主宰半以苦見疎不言甘易壞葛陂雕龍睡未

索兒孫債懶膽能分杯琥珀妙拾芥此物於食穀如客
得儼介思入帝鼎烹忍遭饑涎噉懶牀供翰墨礮杵風
號噫每下歎枯枝焚如落樵采 胡朝請見和食筍詩

輒復次韻人笑庾郎貧滿腹飯寒菜春動食拍動筍茁
入市賣回首萬錢厨不羨廊廟宰民生暫神奇胞雋伐
性壞忍持芭蕉身多負牛羊債籜龍不稱寃易致等拾
芥蕭蕭煙雨姿壯士持戈介駢頭沸鼎烹可口垂涎噉
霜叢負後凋玉食香餘噫續詩無全功葑菲儻可采

韓駒答蔡伯世食筍蓴絲化鹽豉槐葉資新麪豈知苦

竹萌風味常獨擅昔我居錦城屢喫田家飯扶杖自入

筭煨此犢角璽後叅鶴林禪餽我桑門饌烝烝沸鼎中

亂下白玉片惟無他物乘始覺真味現三年客東都錦

籜寧復見千金洛陽來惟克大官膳前時過君食欣逢

故人面那知列仙臞已雜蒯通雋吾寧飽甘肥憤吒那

忍嚙請歸謂主孟厨人後當諫苦苾雜嘉蔬沉香和甲

煎柯亭既誤椽畫障或遭練古來可歎事千載寄明辨

作詩弔擇龍助子當食歎 陳與義食筍竹君家多材

楚楚皆席珍成行著錦袍玉色映市人惠然集吾宇老
眼簷光新麴生亦稅駕共慰藜藿貧不待月與影三人
亦相親可憐管城子頭禿事苦辛披譜雖同宗聞道隔
幾塵詩成聊使寫一笑驚比隣 黃公度謝傅參議彥

濟惠筍用山谷韻北方九月霜賓盤無生菜嶺南信地
暖窮冬竹萌賣君念庾郎貧璽粟供庖宰中有歲寒姿
真時久不壞前身渭川侯千畝償宿債珍可配天花賤

不數石芥早韭與晚菘奴僕望賓介文園酒渴餘想不
厭姑噉預恐吹作竹明日東風噫急須驅兒童傾筐攜
采采 張九成食苦筍吾鄉苦筍佳出處惟石屋玉肌
膩新酥黃衣綠深綠林深恐人知頭角互出縮烟雨養
春姿此物未成熟三月臘酒香開罇媚幽獨烹庖入盤
俎點醬真味足未須五鼎牛聊稱一囊粟竭來庾嶺下
歲月去何速經冬又七春未分窮途哭今朝好事者惠
我生一束頭禿甲爛斑味惡韻麤俗兒童不慣嘗噉噉

驚媼僕老妻念鄉味放箸淚盈目丈夫志有在何事校
口腹呼奴更傾酒一笑風生谷

七言古詩增唐李頎雙筍歌送李回兼呈劉四並抽新
筍色漸綠迴出空林雙碧玉春風解籜雨潤根一枝半
葉清露痕為君當面拂雲日孤生四遠何足論再三抱
此悵為別嵩洛故人與之說 宋梅堯臣韓持國遺洛
筍龍孫春吐一尺牙紫錦包玉離泥沙金刀瑾錯截嫩
節銅馳不與大梁賒特寄韓郎綠蒲束莫令衛女苦思

家韓郎才調偏能賦分餉唯思楚景差因之善謔誦淇
澳欲學報投無木瓜韓持國再遺洛中斑竹筍牡丹
開盡桃花紅斑筍迸林犀角豐兩株遠寄川上鴻韓郎
輟口贈楚翁便令剝錦煮荆玉甘脆不道簞瓢空小謝
舊城昭亭下侵天篁竹谿西東蟪蛄生後出芽茁羅列
滿地爭強雄是時楚翁所食寡朝飯暮飯惟其充今來
得此謂過分一貴一賤物苟同黃庭堅從斌老乞苦

筍南園苦筍味勝肉籜龍稱寃莫採錄煩君更致蒼玉

束明日風雨吹成竹

張舜民謝南軒筍脯使君喜食

筍脯味全勝肉祕法不肯傳閉門課私僕君不見金谷

饌客本萍蘆豪世藉此真成癡但令長鬚日致饋不敢

求君帳下兒 謝筍脯方筍脯登吾盤可使食無肉鮭

腥避三舍棕枬乃從僕書生長有十甕蘆却笑虎頭肉

相癡得君新法也大奇且復從遊錦裯兒 原陸游苦

筍藜藿盤中忽眼明駢頭脫襁白玉嬰極知耿介種性

別苦節乃與生俱生我見魏徵殊媚嫵約束兒童勿多

取人才自古要養成放使干霄戰風雨 楊萬里記張

定叟煮筍經江西毛筍未出尖雪中土膏養新甜先生
別得煮筍法丁寧勿用醃與鹽巖下清泉須旋汲熬出
霜根生蜜汁寒牙嚼出冰片聲餘瀝仍和月光吸菰羔
楮雞浪得名不如來叅玉版僧酹裡何須酒解醒此羹
一碗爽然醒大都煮菜皆如此淡處當知有真味先生
此法未要傳為公作經藏名山 增楊萬里謝唐德明
惠筍高人愛筍如愛玉忍口不餐要添竹云何又遣十

輩來昏花兩眼為渠開販夫束縛向市賣外強中乾美
安在錦紋猶帶落花泥不論燒煮兩皆奇猪肝累人真
可忤以筍累公端不惡煮筍金陵竹筍硬如石石猶
有髓筍不及嶺南市裡筍如酥筍味清絕酥不如帶雨
斲來和籩煮中含柘漿新甘露可齏可膾最可羹繞齒
蔌蔌冰雪聲不須咒筍莫成竹頓頓食筍莫食肉元
李孝光筍雷公躡跚夜鼓噪驚起龍孫觸旌纛炎沙燒
之修尾脫六丁控搏忽顛倒欲落不落虎豹皮錦襦嬰

兒籠大帽斧斤幸貸凌雲姿留以觀渠歲寒操 吳鎮

筍綠陰晝靜南風來晴梢拂拂烟花開籜龍走地牙角
出班班玉立橫蒼苔長鑱穿雲石路滑錦衣脫裯玉版
白鳴牙未下冰雪蘼開籠先放揚州鶴 明楊基食燒

筍留題陳惟宙竹間春雷一聲萬簪玉參差亂迸莓苔
綠新來掃葉當徑燒何異燃萁煮秋菽登盤查牙玉版
肥焦尾碎剥蒼龍皮山人大嚼無以報寫作林間燒筍
詩 岳岱新筍歌滿林黃鳥不勝啼林下新筍與人齊

春風閉門走山兔白晝露滴驚竹雞雨中三日春已過
又近石林添幾箇競將頭角向青雲不管堦前綠苔破
五言律詩增唐李頎籬筍東園長新筍映日復穿籬迸
出依青嶂攢生伴綠池色因林向背行逐地高卑但恐
春將老青青獨爾為宋梅堯臣新筍挑筍春雷後晴
坡過雨時何言江外早已比洛陽遲園客自偷賣主人
那得知徒令養新竹待與作藩籬洪炎從寶峯長老
求貓頭筍不識貓頭筍還思馬祖山庭蘭生舊茁綳錦

換新斑蘊玉爭懷寶登盤想飫餐分甘須剩劬遠助一
瓢簞 范成大謝李叔玠送筍墮地錦裯茁鮮衣溫玉
姿來償食竹債大勝伏雌炊少日羹藜子老來煨芋師
盤餐登異味拍動已先知 朱子公濟惠筍次韻新筍
因君寄康廬入夢中丹元餘故宅翠竹尚餘風日日來
威鳳年年饌籜龍猶嫌有蕪味不似一源功

七言律詩

御製過雲栖憩竹林下令人劬筍劬蘭尋春二月幸雲栖滿

目天光入品題密林布蔭樵漁樂幽柏成行蕙芷齊浴手
臨泉開籜筍傍巖倚石選蓬藜餘杭風景西湖勝未若山
中待竹迷

增唐皮日休聞開元寺開筍園寄章上人園鎖開聲駭
鹿羣滿林蘚籜水犀文森森競泣林梢雨雙雙爭穿石
上雲並出亦如鵝管合各生還似犬牙分折烟束露如
相遺何屑明朝不如葦陸龜蒙和開元寺開筍園寄
章上人春龍爭地養檀欒況是雙林雨後看迸出似豪

當垓塙孤生如恨倚欄杆
凌虛勢欲齊金利折贈光宜
照玉盤更待錦苞零落后
粉環高下揭煙寒
徐夔筍

鞭筇竹巖邊剔翠苔
錦江波冷洗瓊瑰
纍纍節轉蒼龍
骨寸寸珠連
巨蚌胎須向廣場驅駟駿
莫從閑處撻駑駘
寧同晉帝環營日
拋賺中途後騎來
宋蘇轍食筍

林竹抽萌不忍挑
誰家盈束伴晨樵
籜龍似欲號無罪
食客安知惜後凋
不願鹽梅調鼎味
姑從律呂應簫韶
林間老煞雖無用
一試冬深雪到腰
秦觀次韻范純

夫戲答李方叔饋筍兼簡鄧慎思楚山冬筍劉寒空北
客長嗟食不重秀色可憐刀切玉清香不斷鼎烹龍論
羹未愧蓴千里入貢當隨傳一封薄祿養親甘旨少滿
包時賴故人供 唐庚長沙竹筍聞於天下大者可十
餘斤食之甚甘而不冰脾昔渡湘欲作詩未暇也今日
復過之乃酬以此篇地入長沙莫歎卑竹萌徑尺舊相
知九重纔復金門籍萬里先叅玉版師契濶累年真負
口徘徊彌月未妨脾渭川風味那能對中有離騷九辨

辭 陸游湖上筍盛出戲作長句
鰕鰕穿苔瑇瑁簪按

行日夜待成林養渠百尺干
霄氣見我平生及物心剩
插藩籬憂玉折豫期風雨聽
龍吟明年又徙囊衣去誰
與平安報好音 楊萬里都下食筍自十一月至四月

戲題竹祖龍孫渭上居供儂樽俎
半年餘斑衣戲綵春
無價玉版談禪佛不如若怨平生食無肉何如陋巷飯
斯蔬不須庾韭元修菜吃到憎時始憶渠 方岳猫筍
此君乃有寧馨兒犀角豐盈玉不如老去烟姿元聳壑

生來風骨已專車詩腸慣識猫頭筍食拍寧知熊掌魚

莫遣匆匆萬竿綠一春心事政關渠金孫邦傑燒筍

煨茁舊聞山谷語勸耕還憶大蘇詩傳將火候無多訣

留得天真又一奇未放錦裯開束縛已看玉版證茶毘

白麻初拜驚燒尾見此應慙富貴癡明吳寬答于喬

次韻送冬筍西郭清風甚墅開門前俗物敢持來聊供

香飯抄雲子為想長饒斲雪堆空腹冷含金瑣碎壯心

未怯玉崔嵬知君能畫非饒守乞與鵝溪絹翦裁于

慎行紀賜鮮筍殊錫光生玉筍斑曾從青簡賦檀欒蒲
筐乍解香盈座錦籜初分綠滿盤一飯疑含仙禁雨三
秋猶憶北牕寒慚無鳳實儀千仞祝有龍孫長萬竿

五言排律增唐韓愈和侯協律詠筍竹亭人不到新筍
滿前軒乍出真堪賞初多未覺煩成行齊婢僕環立比
兒孫驗長常携尺愁乾屢側盆對吟忘膳飲偶坐變朝
昏滯雨膏腴濕驕陽氣候溫得時方張王挾勢欲騰騫
見角牛羊沒看皮虎豹存攢生猶有隙散布忽無垠詎

可持籌算誰能以理言縱橫公占地羅列暗連根狂劇
時穿壁羣強幾觸藩深潛如避逐遠去若追奔始訝妨
人路還驚入藥園萌芽防浸大覆載莫偏恩已復侵危
砌非徒出短垣身寧虞瓦礫計擬拚蘭蓀且歎高無數
庸知上幾番短長終不校先後竟誰論外恨苞藏密中
仍節目繁暫須迴步履要取助盤飧穰穰疑翻地森森
競塞門戈矛頭戢戢蛇虺首掀掀婦懦咨聊揀兒癡謁
盡髡侯生來慰意詩句讀驚魂屬和才將竭呻吟至日

瞰

五言絕句增宋朱子和劉秀野新筍脩脩江上林白日
暗風雨下有萬玉蚪三冬臥寒土 筍脯南山春筍多
萬里行枯腊不落盤餐中今知綠如簍 元范梈看東
亭新筍問竹何年有親曾共歲寒昨傳新筍發扶杖繞
林看 鄭氏允端筍竹林春雨過瘦筍迸苔長坐待成
高節清標出短牆 明高啓燒筍幽人嗜燒筍出土不
容長林下孤煙起風吹似竹香

六言絕句增宋楊萬里看筍筍如滕薛爭長竹似夷齊
獨清只愛錦裯滿地暗林忽兩三莖

七言絕句原唐杜甫絕句無數春筍滿林生柴門密拚
斷人行會須上番看成竹客至從嗔不出迎 李賀昌

谷北園新筍籜落長竿削玉開君看母竹是龍材更容
一夜抽千尺別却園池數寸埃 斫取青光寫楚詞膩

香春粉墨離離無情有恨何人見露壓烟啼千萬枝

家泉石眼兩三莖曉看陰根紫陌生今年水曲春沙上

笛管新篁拔玉青 李商隱初食筍呈座中嫩籜香苞

初出林五陵論價重如金皇都陸海應無數忍翦凌雲

一寸心 宋蘇軾謝惠猫兒頭筍長沙一日煨邊筍鸚

鵝洲前人未知走走煩公助湯餅猫兒突兀鼠穿籬

郭祥正休師惠雪筍雪竹生芽玉一簪北人此味豈嘗

諳病中得食勝牛乳行矣阿難師勿慙 張商英食筍

長江縈繞地膏腴風氣相連不甚殊自是舌根分彼此

致令苦筍勝宜都 陸游筍絕句列仙閱世獨清癯雪

谷冰谿老不枯輸與錦棚孩子輩千金一束入天厨

朱松新筍一雷驚起籜龍兒戢戢滿山人未知急喚蒼

頭劖烟雨明朝吹作碧參差 梅雨冥冥相已齊連雲

簟竹暗蠻溪短萌解籜登雕俎錯落黃金驤裊蹠 朱

子次韻謝劉仲行惠筍二首誰寄寒林新劖筍開奩喜

見白差差知君調我酸寒甚不是封侯食肉姿 君詩

高處古無師島瘦郊寒詎足差縛得獐龍并寄我句中

仍喜見雄姿

詩散句增唐杜甫遠傳冬筍味更覺綠衣春 白居易

幾見林抽筍頻驚燕引雛 元稹寶地琉璃折紫苞琅

玕踴 許渾竹援晝看筍藥欄春賣花 宋梅堯臣便

今剥錦煮荆玉甘脆不道簞瓢空 劉敞龍孫春吐一

尺芽紫錦包玉離泥沙 黃庭堅冰底斲春生筍束豹

文解籜饌寒玉 孫覲綠筍遺苞半出籬清溪一曲翠

相迷 陸游冬筍生林龍觝觝寒泉落磳珮珊珊 梁

簡文帝橫堦入細筍 周庾信短筍猶埋竹 唐張九

齡林筍苞青籜 孟浩然竹林深筍穉 王維嘉蔬綠

筍莖 杜甫綠垂風折筍 舍下筍穿壁 司空曙巖

筍出叢長 白居易紫鮮林筍嫩 姚合迸筍搭堦起

杜牧斑筍新梢短 李頻春篁抽筍密 方干迸筍

入波生 司空圖坡暖冬生筍 皮日休迸筍支檐楹

宋林逋煙崖早筍肥 邵雍洗竹留新筍 張耒筍

深鳴鳥下 綠嫌新筍破 唐庚翻泥逢暗筍 唐杜

甫堂西長筍別開門 韓愈簣簴競長纖纖筍 白居

易紫筍齊嘗各鬪新 勸我加餐因早筍 來鵬筍過

東家作竹林 宋韓琦竹筍迸堦抽兕角 蘇軾好竹

連山覺筍香 飽食不嫌谿筍瘦 范成大竹筍漫山

鳳尾齊 陸游穿破綠錢多穉筍 方岳霜鞭行茁軟

于酥 惠洪分外濃甘黃竹筍 金吳激一番瘦筍羽

林槍 元方回鮮筍紫泥開玉版 張雨齋庖得筍是

佳蔬 吉雅謨丁紅稻供炊筍脯香

詞增宋錢惟演玉樓春錦籜參差朱檻曲露濯文犀和

粉綠未容濃翠伴桃紅已許纖枝留鳳宿
嫩似春蕙
明似玉一寸芳心誰管束勸君速喫莫踟躕看被南風
吹作竹

別錄原取筍山谷云根須辰日劖筍看上番成凡筍一
番兩番出成竹至第三番者止可供食不成竹矣故曰
筍看上番成也凡筍蒸煮鮑酢惟人所好又可乾藏
採筍過一日曰薦過二日曰菸取宜避露每日出掘深
土取之半折取鞭根旋得旋投密竹器中覆以油革見

風則觸本堅入水則浸肉硬脫殼煮則失味生著刃則失氣採而久停非鮮也淨之入水非洗也蒸熟停久非食也如此然後可與語食筍矣此外不足數也 製用

僧贊寧筍譜云麻油姜皆殺筍毒凡食筍之法譬若治藥修煉之得法則益人反是則損取得以巾拭去土連殼沸湯淪之煮宜久生必損人苦筍最宜久甘筍出湯後去殼煮筍汁為羹茹味全加美不然蒸最美味全煨灰中煨後入五味尤佳 食筍去殼煮熟切片搾乾鹽

醃過宿晒乾貯 慈竹筍四月生江南人多以灰煮食

煮新筍以沸湯煮則易熟而脆味尤美若薦者少入

薄荷煮則不薦與猪羊肉同煮則不用薄荷 增山家

清供夏初竹筍盛時掃葉就竹邊煨熟其味甚鮮曰傍

林鮮 筍取鮮嫩者以料物和薄麪拖油如黃金色甘

脆可愛舊好莫友訪霍如菴延早供以筍切作方片和

白米煮粥佳甚濟顛筍疏云拖油盤內燂黃金和米鑊

中煮白玉二者兼得之矣 原筍酢切作片子沸湯淪

過候乾入葱絲蒔蘿茴香花椒紅麴併鹽拌勻同醃一
時 增海槎餘錄酸筍大如臂摘至用沸湯泡出苦水
投冷井水中浸二三日取出縷如絲醋煮可食好事者
攜入中州成罕物京師勲戚家會酸筍湯即此物也
原筍乾筍肉一百斤用鹽五升水一小桶候沸涌掬出
汁候乾旋添筍汁煮熟撈出壓之或用手揉在鍋隔夜
則黑熱洒則枯一日晒乾則硬火焙便不軟臨食時取
浸筍汁煮筍則有味

附錄 竹實

增山海經注竹六十年一易根易根必生花生花必結實結實必枯死實落土又復生

彙考增宋史真宗本紀咸平二年江南轉運使言宣歙竹生米民採食之 五行志政和四年八月建州境內竹生米數千萬石 三年十一月癸酉越州承天寺瑞竹一竿七枝幹相似其葉圓細生花結實詔送祕書省仍拜表賀 莊子鵲雛非練實而不食注練實竹實取

其潔白也 韓詩外傳黃帝時鳳凰棲帝梧桐食帝竹

實 異苑晉惠帝元康二年巴西郡界竹生花紫色結
實如麥外皮青中赤白味甚甘 述異記止些山多竹

長千仞鳳食其實去九疑萬八千里 芸牕私志凝波

竹實服之肌滑體輕出區吳山紫枝綠葉堅滑如玉風
吹有聲如環珮成帝種於臨池觀更名曰環珮竹花如
海榴實如蓮子而小近謝芬蘭庭中忽生此竹人以為
瑞而不知為何物其夫讀海外志始知之第無花實明

年出筍如常竹前種亦漸不然人以為積善所致該
聞集舊稱竹實為鸞鳳所食今近道竹間時見花開如
棗結實如麥江淮間號為竹米以為荒年之兆其竹即
死信非鸞鳳之食也近有餘干人來言彼有竹實大如
雞子竹葉層層包裹味甘勝蜜食之令人心肺清涼生
滿竹林茂密處頃因得之雖日久乾枯而味尚存乃知
鸞鳳所食必非常物也 原天台山志甘竹實出天台
山閑閑真人以致元帝 增福建志紹興十八年侯官

縣有竹實如米饑民採食之

集藻七言古詩增宋陳造竹米行竹君亢宗擅楚墟一
一修聳山澤臞風流秀整與世殊楚俗食息皆爾須薪
之籬之且籊籊筭筭箱篚簋簋溝瓦厥祖羹其雛隨
索斯獲掇諸塗今歲麥秋旱歲餘得麥僅足償官租竹
君憫農如士夫著花結子千林俱密砌玉粒綴旒珠株
株擷取雖錙銖彌頃畝無間株磋磨蒸炊勝雕葫鄰
里乞索水火如坐令顰蹙興歌呼野叟好事能分吾香

清而冽甘而腴此君行能不一書此惠及物旋就枯摩
頂放踵忘其軀所學無乃墨者徒老子苟祿天之隅袖
手無策蘇婢孤投七三歎吾慚渠

詩散句增唐李白竹實滿秋圃鳳來何苦飢

附錄
越王竹

原嶺表錄南海岸邊沙中生沙箸一名越王竹相傳越
王棄餘算而生若細荻高尺餘春吐苗箕心茗骨青而
且勁南海人愛其色以為酒籌凡欲采者須輕步向前

拔之聞行聲遽縮入沙中不可得

附錄 淡竹葉

原淡竹葉一名鴨跖草

洛陽花木記云碧鳳花一名鴨腳即此

一名荇雞

舌草一名碧竹子一名竹鷄草一名耳環草一名碧蟬

花一名藍姑草一名竹葉菜處處平地有之三四月生

苗紫莖竹葉嫩時可食四五月開花如蛾形兩葉如翅

碧色可愛結角尖曲如鳥喙實在角中大如小豆中有

細子採花取汁作畫色及彩羊皮燈青碧如黛

彙考增永嘉郡記青田縣有草葉似竹可染碧名為竹青此地所豐草故名青田

集藻七言絕句增宋楊異齊碧蟬花楊葩簌簌傍疎籬
薄翅舒青勢欲飛幾誤佳人將扇撲始知錯認枉心機
翁元廣碧蟬花露洗芳容別種青牆頭微弄晚風輕
不須強入羣芳社花譜原無汝姓名

附錄
錦竹

增宛陵詩註錦竹草也似竹而斑

集藻五言古詩增宋梅堯臣錦竹雖作湘竹紋還非楚筠質化龍徒有期待鳳曾無實本與凡草俱偶親君子室

附錄
篇竹

增爾雅竹篇蓄注似小藜赤莖節好生道旁可食又殺蟲
本草處處有之布地而生節間白花葉細綠人謂之篇竹熬汁與小兒飲療蛇蟲

彙考增資暇錄詩衛淇澳篇云綠竹猗猗按陸璣草木

疏稱郭璞云綠竹王芻也今呼為白脚莎一云即鹿蓐
草又云篇竹似小藜赤莖節韓詩作薄亦云薄篇竹則
明知非筍竹矣今為辭賦皆引猗猗入竹事大誤也當
時謝莊竹贊云瞻彼中唐綠竹猗猗便襲其謬

附錄
竹菜

增齊民要術竹菜生竹林下似芹科而莖葉細生極概
淨洗暫經沸湯速出下冷水中即搦去水細切又胡芹
小蒜亦暫經沸湯細切和之與鹽醋拌暮春用至四月

御定佩文齋廣羣芳譜卷八十六

謹案第四頁後一行周禮天官醢人刊本脫醢人二字今增

第十頁前五行及來黔中黔人冬握苦筍刊本上句脫中字下句脫黔字據齊東野人語增

第十二頁前八行李尤七款刊本款訛疑據李蘭臺集改

第二十一頁前四行寸寸珠連巨蚌胎刊本連訛
簾今改

第二十三頁前五行初多未覺煩刊本煩訛繁據

昌黎集改

第二十四頁後六行別却園池數寸埃刊本埃訛

泥據李昌谷集改



總校官庶吉士臣侍朝

校對官編修臣裴謙

謄錄舉人臣黃凝極

欽定四庫全書薈要

子部

御定廣羣芳譜卷八十七

詳校官主事臣陳本

欽定四庫全書薈要卷一萬六百五十

子部

御定佩文齋廣羣芳譜卷八十七

卉譜



增說文芝神草也

鄉媛記靈芝一名壽潛一名希夷

原芝瑞草也

爾雅云茵芝注云芝一歲三華瑞草

一名三秀

王逸楚辭注云三秀

也芝草

一名茵蟲神農經所傳五芝云赤者如珊瑚白者

如截肪黑者如澤漆青者如翠羽黃者如紫金氣和暢

王者慈仁則芝草生玉莖紫筍又云聖人休祥有五色

神芝含秀而吐榮論衡云芝生於土土氣和故芝生土

食之令人眉壽有青雲芝

生名山青蓋三重上有雲氣食之壽千歲能乘雲通天

龍仙芝

狀似升龍之類葉為鱗其根如蟠龍服一株則壽千歲

金蘭芝

生名山之陰金石之

間上有水蓋飲其水壽千歲

九曲芝

朱草九曲每曲三葉

火芝

葉赤莖青赤松子所服

月

精芝

秋生山陽石上莖青上赤味辛苦盛以銅器十月服壽萬歲

夜光芝

生華陽洞山之陰有

五色浮其上酉陽雜俎云一株九實實墜地如七寸鏡視如牛目

螢火芝

生常良山此物在地如螢

火狀葉似草實如豆紫華夜視有光食一枚心中一孔明食七枚七孔明可夜書得食四十七枚壽萬年

白

雲芝雲母芝

皆生名山陰白石上白雲覆之秋採食令人身輕

商山紫芝

四皓避秦

入藍田采而食之共入高洛隱地肺山又轉深入終南山漢祖召之不出

九光芝七明芝

瑞

芝實石也狀如盤槎有七孔者名七明九孔者名九光生臨水之高山

鳳腦芝

仙經言穿地六尺以

鑲實一枚種之灌以黃水五合以土堅築之三年生苗如貌實如桃五色名鳳腦芝食其實唾地為鳳來升太

極五德芝

狀如車馬莖方其葉五色各具而不雜上如偃蓋中有甘露紫氣起數尺

萬年芝

令人不老延年九千

增抱朴子芝有石芝木芝肉芝菌芝凡數

百種石芝

石象生於海隅及島嶼之涯

肉芝

狀如肉附於大石頭尾具有乃生物也光明洞

澈如堅冰大者十餘斤小者三四斤菌芝

或生深山之中或生大水之下或生泉水之側其狀或如宮室

或如車馬或如龍虎或如人形或如飛鳥五色無常凡百二十種

木芝

松脂淪入地千歲化為茯苓

苓萬歲其上生小木狀如蓮葉名曰木龍節芝

松樹枝三千歲

者其皮中有聚脂狀如龍形大者重十斤

木渠芝

寄生大水上狀如蓮花九莖一叢其味甘而辛

黃

蘼芝

黃蘼木下根有細根相連狀如縷

建木芝

生於廣都

其皮如纓其實如鸞

樊桃芝

其木如昇龍其花葉如丹羅其實如翠鳥高不過五尺生於名山之陰東

流泉水之上

千歲芝

生枯木下根如坐人刻之有血已上皆木芝

牛角芝

生虎壽山及吳

坂上狀如葱特出如牛角長三四尺青色

麻女芝

似麻而莖赤色花紫色

紫珠芝

莖黃葉赤

實如李而紫色二十四枝輒相連而垂如貫珠

朱草芝

九曲曲有三葉葉有三實其莖如鉞

龍御

芝

常以仲春對生三節十二枝下根如坐人凡此草芝有百二十種

玉脂芝

生於有玉之山常居

懸危之處玉膏流出萬年以上則凝而成芝有似鳥獸之形色無常彩多似山水蒼玉亦鮮明如水晶石

蜜芝

生少室山石戶中

石桂英芝

生名山石穴中似桂而實石也高尺許大徑尺光明而味

辛石腦芝

生滑石中初破之其在石中五色光明而自動

石硫黃芝

五嶽皆有而箕山為

多如此有百二十皆石芝也

黃龍芝

生於神山之中狀如黃龍味辛甘

華芝

生於名山之陽

及出深山大谷源泉水中赤蓋白莖上有兩葉三實

金芝

生於金石之中無蓋青莖味甘辛

黑芝

生於山之陰大谷中白蓋赤莖味甘

月芝

生於名山之陰崑崙之山

芝

韓

所食人芝

生名山之陰青蓋白莖

鬼芝

青蓋長莖

酉陽雜俎隱辰芝

如狀

斗以屋為節
以莖為剛

采芝圖鳳凰芝

生名山金玉間

黑雲芝

生山谷之陰黑

蓋赤理黑莖味苦

五色龍芝

五方芝

天芝

地芝

上芝

雷芝

甘露芝

雲氣芝

白虎芝

太乙芝

原

茅君內傳云句曲山有五芝求之者投金環一雙於石

間勿顧念必得第一龍仙芝

似交龍之相負食之為太極之仙卿

第二參

成芝

赤色有光其枝葉如金石之音折而續之即復如故食之為太極大夫

第三燕胎芝

其色紫形如葵葉上有燕象光

第四夜光洞鼻芝

其色青其

明洞徹食之為太清龍虎仙君

第五玉料芝

食之為三官真御史或

洞實正白如李夜視其實如月

云芝黃色者為善黑色者為惡 增瑞應圖芝草常以

六月生春青夏紫秋白冬黑 本草五芝經云青芝生

泰山赤芝生霍山黃芝生嵩山白芝生華山黑芝生常

山紫芝生高夏山谷六芝皆六月八日采 芝類甚多

亦有花實者以木積濕處用藥傳之即生五色芝 原

臞仙神隱芝有二種紫白二色形如菌生於朽木根朽

壤上者菌也芝則有莖長尺餘與靈芝相似豫章西山
最多其靈芝生石上形如石可服秋采之菌芝可種於

階前

彙考增禮記內則芝栢注人君燕食所加庶羞也疏庾蔚云無華葉而生者曰芝栢盧氏云芝水芝也王肅云無華而實者名栢皆芝屬也庾又云芝栢是一物今春夏生於木可用為菹其有白者不堪食也賀氏云栢軟棗亦云芝木椹也以芝栢為二物非也 原漢書武帝

本紀元封二年六月詔曰甘泉宮內中產芝九莖連葉上帝博臨不異下房賜朕宏休其赦天下賜雲陽都百

戶牛酒作芝房之歌 宣帝本紀神爵元年三月詔曰

金芝九莖產於函德殿銅池中 增漢書藝文志黃帝

雜子芝菌十八卷注服餌芝菌之法也 吳志孫皓傳

天紀三年有鬼目菜生工人黃耆家依緣棗樹長丈餘

莖廣四寸厚三分東觀案圖名鬼目作芝草遂以耆為

侍芝郎銀印青綬 晉書許邁傳邁永和二年移入臨

安西山登巖茹芝眇爾自得終焉之志 隱逸傳張

忠隱於泰山恬靜寡欲清虛服氣餐芝餌石修導養之

法 宋書符瑞志芝草王者慈仁則生食之令人度世

漢明帝永平十七年春芝生前殿 桓帝建和元年

四月芝草生中黃藏府 宋順帝昇平二年宣城山中

生紫芝一株在所獲以獻 南齊書祥瑞志昇明二年

宣城臨成縣於籍山獲紫芝一枝 魏書靈徵志世宗

景明三年七月魯陽獻烏芝 原舊唐書玄宗本紀天

寶七載三月大同殿柱產玉芝有神光照殿羣臣請加

皇帝尊號開元天寶聖文神武應道許之 肅宗本紀

上元二年七月延英殿御座梁上生玉芝一莖三花上
製玉靈芝詩 唐書張九齡傳九齡遷中書侍郎以母

喪解毀不勝哀有紫芝產坐側 增宋史五行志太平

興國五年九月真定府行宮殿梁生芝如荷花知府趙

賢進以圖上 咸平四年正月濰州獻芝草一本如佛

狀 六年五月導江縣民潘矩田生芝三層黃紫色高

五寸許九月相州牧龍坊生芝一莖色紫黃長尺餘分

七枝枝如手五指狀其最上枝類鳳翥知州張鑑以獻

大中祥符元年五月辛未以東封遣經度制置使王
欽若祭文宣王廟於孔林得芝五株色黃紫如雲色及
人戴冠冕之狀詔內侍楊懷玉祭謝復得芝四本輕黃
如雲氣之狀六月瑕丘縣民宋固於堯祠前得黃紫芝
九本連理者四 十月復州獻芝草類神仙佛像 三
年十一月安鄉縣謝山獲芝二十二本其七狀如珊瑚
而色紫 慶厯五年八月洪州章江禪院堂柱芝草生
高一尺三寸葉二十一層色白黃有紫暈旁生小芝葉

九層上有氣如烟 建炎二年九月癸卯權知密州杜

彥獻芝草五葉如人指掌色赤而澤宰臣黃潛善奏色
符火德形像股肱之瑞高宗不啓視却之 儀衛志紹

興二十五年適當郊祀而太廟生靈芝九莖禮部侍郎
王珉等請繪之華旗以紀盛美焉 金史世宗本紀大

定二十四年正月辛卯徐州進芝草十有八莖 五行

志大定五年六月戊子河南府進芝草十三本得於芝
田石上甲辰大安殿楹產芝其色如玉 淮南子紫芝

生於山而不能生於盤石之上

神農經山川雲雨五

行四時陰陽晝夜之精以生五色神芝皆為聖王休祥

焉 原尚書大傳王者德先地序則芝草生

增十洲

記瀛洲在東海中地方四千上生神芝仙草 元洲在

北海中地方三千里去南岸十萬里上有五芝服此亦

得長生 方丈洲仙家數十萬耕田種芝草課計頃畝

如種稻狀 生洲上有仙家數萬天氣安和芝草常生

春秋運斗樞瑤光得陵出黑芝

孝經援神契德至

草木則芝草生善養老則芝草茂

瑞應圖王者敬事

耆老不失舊故則芝草生

漢武內傳西王母之山上

藥有大真紅芝草

焦氏易林文山紫芝雍梁朱草長

生和氣王以為寶

原論衡建初三年零陵泉陵縣女

子傳宅内生芝五本長者尺四五寸短者七八寸莖葉

紫色蓋紫芝也太守沈鄴遣門下掾奏獻皇帝悅憚賜

錢衣詔會公卿郡國上計吏皆以芝草告示天下

增

東觀漢記光和四年郡國上芝英

古今注章帝元和

二年芝生沛如人冠又生章武如人抱三子狀建初五
年芝出潁川常以六月中生一葉五歲五重春青夏紫
秋白冬黑色十月後黃氣出土尺五寸 抱朴子蔡誕
求仙三年饑凍還家欺家人云吾為老君守視斑龍與
諸仙博戲忽輸此龍為此罪見責送吾付崑崙山下芸
鋤芝草三四頃並皆生細石中多荒穢治之勤苦不可
論法當十年乃得原會倕侏子王喬諸仙來按行吾守
請之並為吾作力且自放歸當更自修理求去 蒼山

岑石之中赤雲之下狀如人豎豎如連鼓其色如澤以
夏采之陰乾食之令人乘雲能上天觀見八極通見神
明延壽萬年 行山中見小人乘馬車長七八寸者肉
芝生取服即仙 真誥羅江大霍有洞臺中有五色隱
芝 枕中書玉京七寶山五色芝英上有萬二千種

拾遺記岱輿山北有玉梁千丈駕玄流有七色芝生梁
下其色青光輝耀謂之蒼芝 崑崙山第九層有芝田

蕙圃羣仙種耨焉 祥異記漢安帝時有異物生長樂

宮東廡柏樹永巷南閨合歡樹識者以為芝草也 廣

異記仙都有芝圃悉種靈芝或如車騎或如華蓋或如樓閣或如飛鳥五色 安城記郡渚江川發源同會落

亭石上有芝草下有紫磨金也 博物志名山生神芝

不死之草上芝為車馬中芝為人形下芝為六畜 玉

塵集成都朱善存家世寶一劔每生神芝則天下晏清

原酉陽雜俎仙藥有三十六芝 天寶初臨川人李

嘉胤所居柱上生芝草狀如天尊太守張景佚拔柱獻

馬 大厯八年廬江縣紫芝生高一丈五尺 凡學道

三十年不倦天下金翅鳥銜芝至 羅門山食石芝得

地仙 增唐新語崔希喬以孝友稱為鄭縣丞芝草生

所居堂一宿而葩葢盈尺 杜陽雜編元和五年內給

事張維則自新羅使迴云於海上泊洲島間乘月閒步

約及一二里見花木臺殿金戶銀闕其中有數公子戴

章甫冠著紫霞衣命一青衣捧金龜印以授維則曰致

意皇帝其篆曰鳳芝龍木受命無疆維則達京師即具

以事進上歎異良久但不能喻其文爾是月寢殿前連
理樹上生靈芝二株宛如龍鳳上因歎曰鳳芝龍木寧
非此驗乎 武宗每齋戒沐浴召道士趙歸真已下共
探希夷之理由是室內生靈芝二株皆如紅玉 尹祁
元為上種雙麟芝於殿前色褐一莖兩穗隱隱形如麟
頭尾悉具其中有子如瑟瑟馬上自采餌之頗覺神驗
原內觀日疏謝幼貞嗜菌庭中忽生一菌狀若飛鳥
沈子玉曰此飛禽芝以處女中單覆之則活煮而食可

數百歲謝入取中單有鄰女乞火跨之翩然飛去謝但
歎恨 清異錄杜荀鶴舍前椿樹生芝草明年及第以
漆彩飾之安几硯間號科名草 增南豐雜識王平甫

熙寧癸丑歲宿直崇文館夢有人要之至海上見水中
宮殿其中樂作笙簫鼓吹之伎甚衆題其宮曰靈芝宮
平甫欲與俱往有人在宮側隔水曰時未至且令去他
日迎之至此恍惚夢覺時禁中已鐘鳴平甫自是頗負
不凡為詩曰萬頃波濤木葉飛笙簫宮殿號靈芝揮毫

不是人間世長樂鐘鳴夢覺時 邵氏聞見後錄仁宗

降誕章懿后榻下生靈芝一本四十二葉以應享國四

十二年之瑞云 燕翼詒謀錄皇祐三年六月丁亥守

臣茹孝標奏城內小山生芝三百五十本悉以上進改

名其上曰紫芝山蕞爾一培塿不應一時所產若是之

多也上怒曰朕以豐年為瑞賢臣為寶草木蟲魚之異

烏足尚哉 長編景祐四年有芝生於化成殿柱御製

瑞芝詩儒者並獻賦 養疴漫筆祥符崇尚道教建立

宮觀專尚祥瑞王欽若獻芝草八千一百三十九本丁謂獻芝草三萬七千餘本齊東野語王建父子之據

蜀也至和隆盛之際地不愛寶所在奏貢芝草者動二三萬本蘄黃間至有一鋪二十五里之間遍野而出密州山間至彌滿四野有一本數十葉衆色咸備者太守李文仲採及三十萬本作一綱進即進職除本道運使路史黃帝陞鴻隄受神芝施黃蓋古今詩話宣和間王將明賜第既而以梁生芝草為奏車駕臨幸適久

雨梅潤芝墜地京師無名子有為十七字詩曰新公新
賜第梁上生芝草為甚脫下來膠少 湖山勝概靈芝

崇福寺錢王故苑以芝生其間捨以為寺故名靈芝

居山雜誌吳縣金山雅多靈芝時產地上多碧色山人
每采得之弗貴也 皇甫汈考芝宮樂曲序考芝宮者

歲乙丑獻廟產芝瑤光映室乃建玉芝宮以時致享昭
孝感也 原庚巳編今年春長洲漕湖之濱有農婦治
田見湖灘一物白如雪趨視之乃一小兒手也連臂約

長尺許其下作聲唧唧驚走報其夫夫往看亦甚疑怪
掘之其根不可窮乃折而棄之湖嘗讀神仙感遇傳云
蘭陵蕭靜之掘地得物類如人手肥潤而紅烹而食之
踰月髮再生力壯貌少後值道士顧靜之曰神氣若是
必嘗仙藥指其脉曰所食者肉芝也壽等龜鶴矣然則
漕湖之物正此類耳乃不幸棄於愚夫之手惜哉 增

弇山園記含雪樓下承簷溜處產芝已三閱歲矣每產
時其趾不雨而潤上有紫氣受日晶熒因名之曰榮芝

所原湧幢小品世宗有詔采芝宛平縣民得五本以獻御醫李杲以玄岳鮮芝四十本進三十六年九月禮部進千餘本明年春鄆縣民聚芝百八十本為山以獻內有徑一尺八寸者數本號曰仙應萬年芝山四川巡撫黃光昇進芝四十九本十月禮部進芝一千八百六十四本四十三年御醫黃金進黃壽香山四座聚芝三百六十本為之宋政和五年蘄州產芝草徧境計黃芝一萬一千六百本內一本色紫九榦尤奇唐太宗

貞觀中安禮門御榻產靈芝五莖十七年太子寢室中
產紫芝共十四莖並為龍興鳳翥之形 肅宗上元二

年舍暉院生金芝 武宗起望仙臺空中生靈芝二株

色如紅玉 韓思復為滁州刺史有黃芝五株生州署

邵君協宰新昌五色靈芝十二枝生便坐之室 貞

觀中滁州山原徧生芝草 浙江烏程縣大中丞潘印

川季馴治河有功常築舍於崑山下有芝生於庭始則
一本色爛然紫繼乃日盛生至百本扶疎偃仰照耀人

目因標之曰芝林 萬厯三十年德平葛祥宇宅產芝
明年登科 三十一年費縣王左海新城王蓋臣宅皆
產芝明春俱得雋 曹大章曰芝號無根以其天所特
產非人力也然載之圖經芝牒不可勝數諸凡草木芝
固貴而產於鐵石者謂之玉芝昔東王父服蓬萊玉芝
壽九萬歲赤松居崑崙嘗授神農服芝法而廣成居崆
峇之上亦嘗以授軒轅水經言具茨山有軒轅受芝圖
處蓋芝圖自是始也

集藻表增唐崔融皇太子賀芝草表伏承某月日芝草

生於乾元殿瑞命天來符祥日至煌煌三秀分芰井而

攢柯曄曄九光間梅梁而吐葉晉都宮閣何必靈芝之

臺洛邑山川居然密芝之地伏惟天皇天臨海內帝有

域中兼漢制而宅兩京用堯心而加百姓神精下降洽

至道於丘陵靈液旁霑被深仁於草木觀其如葢如閣

如日如星得五方之氣象合四時之景色仙人在上則

車馬疑飛神龍居下則風雲不去謂蓬瀛之海列即崑

閭之山開魏皇之雙榦莫倚漢帝之九莖為劣可以薦
郊廟可以觴公卿臣謬踐儲闈祇膺守國不獲親承左
右日覽休徵雖玉脰延齡在神仙而可致而刀圭入膳
視朝夕而猶賒是用心馳仁壽之前慶集肅成之後

孫逖為宰相賀合鍊院產芝草表臣等伏見道士黃河
清等奏興慶宮合鍊院內產芝草五色分輝六莖並秀
神丹入鍊而轉精禎祥應期以如答覩茲嘉瑞望宣付
史官者伏以靈芝所致和氣之精著美仙經標名瑞典

陛下深仁契道至德通神鍊液飛丹既啓長年之館敷
華有葉遽呈三秀之祥五色有類於卿雲六莖且符於
帝樂豈惟動植昭感以表於休徵固亦真仙叶應用彰
於聖壽 常袞中書門下賀芝草嘉禾表伏見兵部尚
書中書門下平章事李抱玉進芝草嘉禾者臣聞王者
道洽則靈芝生天下和平則嘉禾應伏惟陛下誕膺景
命憂濟生靈合太上之德感元精之氣天地氤氲神明
滋液降此珍物叶於昌期垂蓋連莖三華煥發離根合

穎一穗孤秀沐我渥澤扇其祥風衆草之英百穀之長
以兆稔歲以符太平昔周得唐郊之獻列篇於典策漢
獲甘泉之祉薦歌於清廟三瑞之極一朝會同長發其
祥無疆之慶 中書門下賀芝草表今日中使吳承清
至宣示宋汴節度使御史大夫田神功所獻芝草一株
紫葢黃莖叢生者天生神物王者嘉瑞奇秀之狀靈篇
未書伏惟陛下孝通神明德至草木和氣所感禎祥屢
彰煌煌靈芝郡國來獻垂以金葢發其瓊葩爛然紫雲

之色灼然紅蕖之秀王德斯應皇家永昌固可寫狀圖牒薦於郊廟祇奉天意贊揚鴻休

序增宋秦觀俞紫芝字序余昔游玉笥山周行二十四峯訪蕭子雲故隱道見靈芝焉生乎磐石之上回環而有葉秀澤而不根信天下之異草也竊愛久之留不能去俄有童子朱顏紺髮自松陰中距石輒止撫芝歎曰嘻道人無本其亦如是矣余異而問曰適吾子有緒言不敏未知所謂願終其說童子笑曰子求終乎終之久

矣以為未耶沒身無終雖然嘗試為汝言其崖畧夫德
人以有本為宗道人以無本為宗天下皆知有物所以
失已也不知有已所以失已也而德人知之於是內觀
無是外觀無彼無是故能以已為物無彼故能以物為
已已物不二謂之真一夫是謂以有本為宗天下皆知
有偽所以喪真也不知有真所以喪真也而道人知之
於是前際無捨後際無取無捨故不斷一切偽無取故
不住一切真真偽兩忘亦無真一夫是之謂以無本為

宗蓋非有本則不能離相而歸空非無本則不能即空而證實有本然後明心無本然後見性夫子識之人間所謂道德者固不出乎此矣雖然有本無本吾豈能識之哉語未既有老人復杖策自松陰中來顧謂童子曰適何所言童子欲語老人引杖擊之童子走松陰忽然不見還視老人亦已亡矣於是余茫然自失私識其言後九年遊京師遇金華居士俞紫芝請余改字因思昔日玉笥童子之言字曰無本復以其說為序贈焉

記增宋王安石芝閣記祥符時封泰山以文天下之平
四方以芝來告者萬數其大吏則天子賜書以寵嘉之
小吏若民輒錫金帛方是時希世有力之大臣窮搜而
遠采山農野老攀緣狙杙以上至不測之高下至澗溪
壑谷分崩裂絕幽窮隱伏人迹之所不通往往求焉而
芝出於九州四海之間蓋幾於盡矣至今上即位謙讓
不德自大臣不敢言封禪詔有司以祥瑞告者皆勿納
於是神奇之產銷藏委翳於蒿藜榛莽之間而山農野

老不復知其為瑞也則知因一時之好惡而能成天下之風俗況於行先王之治哉太丘陳君學文而好奇芝生於庭能識其為芝惜其可獻而莫售也故閣於其居之東偏掇取而藏之蓋其好奇如此噫芝一也或貴於天子或貴於士或辱於凡民夫豈不以時乎哉士之有道固不役志於貴賤而卒所以貴賤者何以異哉此予之所以歎也

黃庭堅瑞芝亭記晉陵邵君叶為新昌宰視事之三月靈芝五色十二生於便坐之室吏民來

觀無不動色相與言曰吾令君殆將有嘉政以福我民
乎山川鬼神其與知之矣不然此不蒔而秀不根而成
非人力所能致而自至者何也乃相與闢其室四達為
亭命曰瑞芝奔走來謁記於豫章黃庭堅曰予觀神農
草木經青芝生泰山赤芝生衡山黃芝生嵩山白芝生
華山黑芝生常山皆久食而輕身延年而不老蓋序列
養生之藥不言瑞世之符又其傳五芝曰赤者如珊瑚
白者如截肪黑者如澤漆青者如翠羽黃者如紫金皆

光明洞徹如堅冰而世之所名芝草不能若是也故常
考於信書自先秦之世未有稱述芝草者及漢孝武厭
飫四海之富貴求致神仙不死天下騷然元封中乃有
芝草九莖連葉生甘泉殿齋房中於是赦天下作芝房
之歌孝宣興於民間勵精萬事事無過舉然廟享數有
美祥頗甘心焉故復修孝武郊祀以瑞紀年元康中金
芝九莖又產函德殿銅池中然此芝不生於五嶽果神
農經所謂芝者耶余又竊怪漢世既嘉尚芝草而兩漢

循吏之傳未有聞焉何也豈其所居民得其職所去民
思其功生則羽儀於朝歿則蒸嘗於社則是民之鳳凰
麒麟醴泉芝草也耶抑使民田畝有禾黍則不必芝草
生戶庭使民伏臘有雞豚則不必麟鳳在郊輒黠吏不
舞文則不必虎北渡河里胥不追擾則不必蝗不入境
此其見效優於空文也耶昔者黃霸引上計吏問興化
之條有鵲雀來自京兆舍中飛集丞相府上霸以為皇
天降下神雀欲圖上奏京兆尹張敞言郡國計吏竊笑

丞相之仁厚智畧有餘而微信竒怪也恐丞相興化之
條或長詐偽以敗風俗天子嘉納焉劉昆為江陵令連
年火災昆輒向火叩頭多能反風降雨遷弘農太守驛
道多虎崦澠不通昆為政三年虎負子渡河乃召入為
光祿勲詔問昆江陵反風滅火弘農虎北渡河行何德
政而致是對曰偶然耳左右皆笑其質帝歎曰是乃長
者之言由君子觀之張敞之篤論世祖之知言建成之
文不如光祿之質也雖然新昌之吏民愛其令君將徼

福焉焉可誣也又嘗試論之古之傳者曰上世蓋有屈軼指佞蕙蒲扇庖蓂莢紀歷嶰竹生律既不經見後世亦不聞有之則前世之有芝草特未定也邵君家世儒者又能好修求自列於循吏之科故因其氣焰而取之異草來瑞使因是而發政於民勤恤而無倦民得盡力於田士將盡心於學則非常之物而不虛其應且必受賜金增秩之賞用儒術顯於朝廷矣豈獨夸耀下邑而已乎故并書余所論芝草循吏之實使歸刻之吉州

西峯院三秀亭記廬院比缺守輒以它吏攝承託宿傳
舍吏胥視民為俎豆執鞭者衆羊失其牧歲歲仍饑饉
夜有枹鼓不治聲聞京師元豐六年春詔用壽春魏侯
魏侯有家法以吏能名一世至則引見官吏問救敝所
先下書教民諭以苦語獎拔才能昭勸不勉戒敕宿負
聽以功除按行州左右曹三獄累械至三百餘決其得
情引隱釋其點染攀牽唯上請須報遠逮證左與繫輕
而捕重者乃付有司其所裁遣蓋去三分之二人氣以

和下車之十二日芝草二本產於州院獄門之東其後得一本於郡齋便坐之室而最盛於西峯僧舍之秀野亭一月之間凡產芝二十餘磊落權奇人物象成最後寺僧來獻黃芝異本同穎黃者慶色異本同穎者不爭之祥今郡侯樂士愛民天澤優渥五穀順成鈔盜其將衰息健訟之民且化為慈祥弟友魏侯亦將鴻漸於臺省以受福民之慶則靈芝之生不獨為吉瑞魏侯因改秀野亭以為三秀屬豫章黃庭堅記之魏侯名綸字君

俞其歲之六月甲戌記

尺牘增宋蘇軾與鞠持正尺牘文登雖稍遠百事可樂
島中出一藥名白石芝者香味初若嚼茶久之甚美聞
甚益人不可不白公知也白石芝狀如石耳而有香味
惟此為辨秘之秘之

題跋增宋陳傅良跋陳錢芝草圖頃桂陽廨中柱去礎
三四尺所出芝一本婦子不以為祥掇視余益恍然歎
芝不遇也明日故枿復吐三葉紫質黃緣飾見之奇甚

但令婦子輩謹視毋掇取逾時色爛然不敗今覩陳君
繪芝為卷有內相李公宗伯倪公序且頌其所自來不
虛得又追歎曩所產芝非特婦子不好事雖予亦不好
事也 周必大書安福劉德禮家紫芝詩卷昔安福令
歐陽萬五世孫彬實文忠公之曾祖歷仕南京家於安
福性至孝兄弟相友愛有紫芝一莖兩葩生於楹鄉人
以為孝德所感著為賦頌享年九十四累贈太師中書
令後裔仕宦不絕

雜著增宋蔡襄芝草述福州連江縣寧善鄉崇德里保
福院產芝一本四月八日癸未令朱定得之詣府質黑
而堅葉如側荷其上又出一本離為六莖枝柯聳密中
有連理末如燕尾而朱涅之高可尺許世傳古篆芝字
皆枝葉扶疎豈古人象形而作乎而漢齋房歌曰九莖
連葉玄氣之精正謂玄芝而有九莖與葉連也芝之為
物在處有之大較形類苗孺音軟近無是比儻或有焉而
予未之見也故特書之

贊原魏繆襲神芝贊青龍元年神芝產於長平之習陽其色丹紫其質光耀其長尺有八寸五分其本圍三寸有三分上別為三榦分為九枝散為二十六莖圍則一寸九分葉徑二寸七分其榦洪纖連屬有似珊瑚之形其吐柯載葉詳明蠲潔考圖案牒蓋美乎所聞於前代者矣 增無名氏神芝贊古瑞命紀曰王者慈仁則芝生採食之則延年與真人同又神農氏論芝云山川雲雨五行四時陰陽晝夜之精以生五色神芝皆為聖王

休祥焉自漢孝武顯宗世號隆盛而元封永平所紀神
芝方斯茂如也且其枝幹條莖本末相承乃協乎天官
之數非神明其孰為此哉推其類象則莫莢之植階庭
萐莆之生庖厨視匹靈矣乃詔御府匱而藏之且畫其
形遂以名圖為之贊曰帝德允臻爰不難致煌煌神芝
吐葩揚榮曩披其圖今握其形永章遐紀載之頌聲
賦增唐史近漢武帝齋宮產靈芝賦武皇帝慕軒后之
風儲思幽通叶珍符於瑞牒產靈芝於齋宮太乙清精

元君降衷色奪兼金發靈姿以溫潤質逾美玉浮真氣
以蔥蘢原夫帝在華帳儼於仙仗睿思邈以冲寂神心

宵其相向髣髴受釐肅其冥貺非煦育之所致乃精神
之潛暢挺茲三秀表信乎三元之符擢此九莖示期爾
九坻之上異屈軼之致用類朱英之為狀足表天感與
地生或揚臣和而君唱是知至精潛運神物昭彰靈液
潛通願生乎枯木貞石神心幽贊故出此闕殿神房冠
庶草以為貴故有時而發祥信稟質以津澤非本媚乎

馨香豈比夫楚水之空嘉萍實仙宮之獨貴玄霜懿夫
道心虛澹我則無味以玄感化象貴形我乃無根而效
靈是用拔竒瑤砌標異彤庭紫蓋與祥雲允合朱莖將
火德相冥秀射猗蘭之室光連雲母之屏煥國典而永
昭歌頌徹玄風而不耀德馨彼丹甌呈豐器車表德潛
美巖野挺芳幽側曷比夫耀甲乙之帳赫矣朱榮結天
地之精混然剛克異朝菌之為體同夜光之非飾含聖
澤以成春體正陽而變色是知人心告虔珍物效焉將

會昌於羣帝必功格於上玄且神之符則受此靈草神之會則降彼真仙苟獲符而為約與降質而相懸大寶在乎皇極真居本乎丹田苟溺異以趨怪顧汨沒而表年彼乘嶠而求靜此執迷而徵聖徒有托於齋祈信無裨於性命覩芝宮兮緬爾倏隙駟以奔競庶歸玄化之門小彼炎皇之慶 宋王令歲芝賦有序丙申歲自四月至六月大雨而余之所客天長縣東北皆瀕湖澤地浸以下頗以水為患傷草木多死邑居無薪芻而益貴

薪益來自遠以余之所居則薪之自北來者常售於余
間而有得若枯華斷穎根梗蒂芥支離擁腫與碩實所
異於常草者皆取以戲就其中嘗試視之余得則芝也
折傷不完計之於全此當一葉耳不知其他安在也其
生雖不知遠近要皆在縣之北以常負薪之所來則芝
從可知也示人則不齊有由是而知有芝有由是而信
為芝有雖得是而弗之信者然芝之為物不常有而或
出可愛者也自古詩之作見於今者凡三百篇其以風

賦比興而附見於物若蘋蘩薺薇蕨荇芑苦藿萑萋唐菰遂
瓠匏瓜葛鬱蓂葵藿葍葍葍葍葍葍葍葍葍葍葍葍葍葍葍
蒲萑葦葦葦蕭艾稂莠蒼芑禾麻菽麥黍稷豆菽秬秠
糜粟稻粱菅苧卷耳芣苢菁莪秀萸荷華游龍如蘆芎
藥之類雜見並出然此特草耳其多益如此而未嘗及
芝也自詩而下長辭章而善自托者獨有屈原今其離
騷九歌具存而可考然其況意所及自詩人所紀之外
復益以江離芙蓉杜若薜荔木蘭白蘋菹萸揭車蕙芷

荳菊芰蘅蓴菜施蕪葯蓀而地所常產目所同識之草
盡矣若夫陳忠而直私忿廢而怨逐託於彼而取此以
見義此則余之所知至於道則余不得而一也然稱類
已衆而芝復獨遺是誠何故邪說者遂以九歌之三秀
為芝余以其不明又其辭曰適山而採之則芝非獨山
草葢未足遽信也及觀漢樂歌葢當時文工槩人緣飾
世治以裁主意耳非有如詩人騷客鬱於中而不得言
憑於物而後見者皆非余所好也今余得芝而賦之意

皆在於賦序故不道也庭勾突萌抽蔚擢秀孰非春兮
坯培壅堙播漑軋蒔孰非人兮不為常生時見挺出芝
則神兮靈榦不阿衆葉類附不孤有鄰兮生莫時期毓
無種裔天生德兮茱萸薦庭蘼蕪薦道退野即兮生無
本根拔不滯如無吝惜兮榮而不華槁而不枯莫損益
兮茨萊翳陰高出下蔽適以取容兮朝菌射干齊長並
秀德不校同兮荒原穢壤棄放委廢若將終兮知者謂
誰何為來者似不必逢兮困於不知束於薪蘇自信不

恥兮摧戕折傷披本斷榦禍不自已兮火炎木焚投置
不縮知命有止兮偶於自生不祈見聞吾與爾已兮

薛士隆靈芝賦宋興二百有三年封陞載寧狼烽不驚
上乃高揖凝旒棲神泰清天之與子法舜承堯祇載夔
夔齋慄以朝帝被袞章昇策寶列旄麾羅羽葆太師輔
前少師保後工瞽登歌奉常贊道有覺彤庭皇拜稽首
上天子之父號曰光堯壽聖太上皇帝母曰壽聖太上
皇后宮維德壽康壽其堂色養無違儀刑四方二聖相

歡用惟其至仰孝俯慈假天準地二氣之精百物之英
誕秀靈草乘時挺生隆興惟甲申歲之陽義皇御寅斗
直東方有茁者芝有粲其房不植不根於殿之梁輪囷
扶疎馨香有飮紫色芬莖交光晷日歟騰龍而翥鳳追
金相而玉質煥燿宸居清明帝閭閱之者神驚瞻之者
目奪一本同柯支生十二錯地分州蟠天列次瞻彼日
月膺期嗣歲亦有律呂八音以諧仙館玉樓光於泰階
皇帝乃命東觀啓鑰書披瑞命之篇參瑞應之圖驗通

儒於白虎稽神契於孝經僉曰王者孝慈則芝茂又曰
養老則芝生深仁是加於草木祥應是接於仙靈故肅
宗養親而產延英之座孝武嚴帝而秀甘泉之庭於是
聖心悅懌稱賀誼譁皇上賦玉華之詩太上發芝房之
歌君臣動色室家胥慶被之於服章聲之於謳詠蜚獠
以之輸琛海波以之愉靜戴白之叟成黃之兒爰及閨
房笑語嬉嬉自慶未始識也若豈天降而人為哉粵有
狂生小子樂稱古德喜溢於顏憂形於色謂和氣致祥

允天子之慈孝天施地產誠聖人之達德也乃若漢之
宣章號稱七制仁民得天休符接至桓靈何道而產中
黃之藏有芝英之瑞也由是言之妖祥叵測爾雅離騷
乃尋乃繹乃列芝蘭乃識菌芝或云產於崑阿采於山
而有之蓋希出堂殿高華之所有沾濡鬱結而為曾胡
多之可尚青龍之際乃一柯而三十有六支此何敬所
稱生庭之怪草崔光以謂蒸氣而生之也乃其奇祥有
取蔑聞往古方士多岐有傳漢武逮乎季末諛辭廣至

鬼目呈符菌宮賀瑞豈黃精鉤吻有時而亂亦雞蘇豨
苓有時而帝也於惟我后秉文之德昊天景貺三辰耀
色雖無此芝何損於治生禁之庭亦孔之異此不可不
察者誠何足以當上意也悵天居之高遠羗欲告而誰
言聊陳辭而寫志庶有發於塵編亂曰靈芝秀兮爍宮
庭春秋易色兮隨月而生神父慈兮君至孝貺珍符兮
天之云告我欲排閭闔兮雲路迢遙物怪司閭兮翅折
之招爰攄懷兮作賦儻六丁兮下來持去

文賦散句增楚屈原九歌採三秀於山間 漢東方朔

七諫拔搴玄芝兮列樹芋荷 王褒九懷北飲兮飛泉

南采兮芝英 馮衍顯志賦飲六醴之清液食五芝之

茂英 張衡西京賦浸石菌於重涯濯靈芝以朱柯

東京賦芝房菌蠢生其隈 思玄賦聘王母於鉅臺兮

羞玉芝以療饑 魏曹植九詠尋湘漢之長流採芳岸

之靈芝 晉何晏景福殿賦靈芝生於丘園 孫綽遊

天台山賦五芝含氣而晨敷

古歌樂章原漢四皓紫芝歌莫莫高山深谷逶迤曄曄
紫芝可以療饑唐虞世遠吾將何歸駟馬高蓋其憂甚
大富貴之畏人兮不如貧賤之肆志 增漢書郊祀歌

齋房產草九莖連葉宮童效異披圖案牒玄氣之精回
復此都蔓蔓日茂芝成靈華 班固郊祀靈芝歌因露

寢兮產靈芝象三德兮瑞應圖延壽命兮光此都配上
帝兮象太微參日月兮揚光輝 宋史上尊號樂章曄

曄靈芝生於殿闈照映華栱紛敷玉蕤感召元和光符

聖期祥篇協吉百歲咸宜 朝會樂章嘉瑞降臨應我
皇德曄曄神芝不根而植春秋三秀晝夜一色物播詩
歌聲被金石 彼茁者芝茂英煌煌敷秀喬嶽實繁其
房適符修貢封巒允臧永言登薦抑惟舊章 煌煌茂
英不根而生蒲茸奪色銅池著名晨敷表異三秀分榮
書於瑞典光我文明

五言古詩增梁庾肩吾芝草踟躕玩芝草淹留攀桂叢
桂叢方偃蹇芝葉正玲瓏如龍復如馬成闕復成宮黃

金九華發紫葢六英通隱士蒼山北神仙海穴東隨丹
聊變水獨搖不須風 宋梅堯臣讀吳季野芝草篇阮
生存詠懷羨彼曜朱堂一榮不復枯五色異衆芳衆芳
發朝露俄以斂夕陽丹莖起瓦礫又匪媚棟梁此稟由
至和君子要有常

七言古詩原宋蘇軾石芝并引元豐三年五月十一日
夜夢游何人家開堂西門有小園古井井上皆蒼石石
上生紫藤如龍蛇枝葉如赤箭主人言此石芝也予率

爾折食一枝衆皆驚笑其味如雞蘇而甘明日作此詩
空堂明月清且新幽人睡息來初勻了然非夢亦非覺
有人夜呼祁孔賓披衣相從到何許朱闌碧井開瓊戶
忽驚石上堆龍蛇玉芝紫筍生無數鏘然敲折青珊瑚
味如蜜藕和雞蘇主人相顧一撫掌滿堂坐客皆盧胡
亦知洞府嘲輕脫終勝嵇康羨王烈神山一合五百年
風吹骨髓堅如鐵
增蘇軾石芝并引予昔夢食石芝
作詩記之今乃真得石芝於海上子由和前詩見寄予

項在京師有鑿井得如小兒手以獻者臂指皆具膚理
若生子聞之隱者此肉芝也與子由烹而食之追記其
事復次前韻土中一掌嬰兒新爪指良具肌骨勻見之
怖走誰敢食天賜我爾不及賓旌陽遠遊同一許長史
玉斧皆門戶我家韋布三百年祇有陰功不知數跪陳
八簋加六瑚化人視之真塊蘇肉芝烹熟石芝老笑唾
熊掌頻雕胡老蠶作繭何時脫夢想至人空激烈古來
大藥不可求真契當如磁石鐵 蘇轍次韻石芝并引

子瞻昔在黃州夢食石芝起賦八韻記之元祐八年予
與子瞻皆在京師客有至自登州者言海上諸島石向
日者多生耳海人謂之石芝食之味如茶久而益甘海
上幽人或取服之言甚益人客以一籃遺子瞻遂次前
韻雞鳴東海朝日新光蒙洲島霧雨勻一晞石上偏生
耳幽子自食無來賓寄書乞取久未許箬籠蕉囊海神
戶一掬誰令墮我前無為知我超諸數此身不願清廟
瑚但願歸去隨樵蘇龜龍百歲豈知道養氣千息存其

胡塵中學仙定難脫夢裡食芝空酷烈中山軍府得安
閒更試朝霞磨鏡鐵 陸游丹芝行劔山峩峩挿穹蒼
千林萬谷蟠其陽大丹九轉古所藏靈芝三秀夜吐光
如火非火森有芒朝陽欲升尚煌煌何由斲取換肝腸
往駕素虬朝紫皇

五言律詩增唐李義府宣正殿芝草明王敦孝感寶殿
秀靈芝色帶朝陽淨光涵雨露滋且標宣德重更引國
恩施聖祚今無限微臣樂未移

七言律詩增宋蘇轍邵武游氏老人三清堂紫芝黑龜
赤鳳早逢師白髮蒼顏老不衰丹鼎一九深自秘紫芝
三葉却先知烟薰晴日雲容薄色凝秋霜玉性奇何日
刀圭救羸病盡芟荆棘種交梨 張孝祥廟錫珍符豈

偶然雲華再見幾經年祥開二室昭詒燕根托同楹自
屬聯上瑞應誠難紹聖宸衷思孝益增虔微臣願考皇
天意不厭終童效異篇 煌煌瑞彩映金鋪元氣回旋
即此都太史連年書盛事近臣更日獻新圖璇穹薦祉

寧虛應玉葉流芳已兆符早晚清塵歟原廟臨觀敢請
駐前驅 原明王世貞數盡潘園賦衆芳何如神草被
昆岡庭中玉露傳三秀木末丹霞散九光出共葦蒲昭
聖瑞歸同天韭作仙糧野夫亦有黃公癖地肺何年許
並藏

七言絕句增宋晁補之舊說廬山有紫芝田百畝人莫
得見偶於開光棲賢林中步兩日各得一枝正紫如玉
戲成一首千古芝田人不到深林繼日拾瓊瑰從今為

記晁夫子曾到芝田百畝來

陸游齋中雜題幽居厭

見凡花草紅紫紛紛不復栽
自斲蒼苔換黃土南山移
得玉芝來 玉隆得丹芝何用金丹九轉成手持芝草

已身輕祥雲平地擁笙鶴便自西山朝玉京 館中營

繕方一新而右文殿生芝草甚異丹碧參差盛一時殿
楹三秀見金芝漢庭漫道多才傑天馬何勞作頌詩

詩散句增魏曹植靈芝生王地朱草被洛濱榮華相晃
耀光采曄若神 原晉嵇康煌煌靈芝一年三秀 增

張華西入華陰山求得神芝草 原唐杜甫空聞紫芝

歌不見杏壇丈 但使芝蘭秀何須棟宇鄰 知名未

足稱局促高山芝 其陽產靈芝其陰宿牛斗 吾慕

漢初老時清猶茹芝 增宋王珪柯同庭柏勁色近御

衣深 夏竦四明開奧壤三秀發靈芝 黃庭堅不須

許斧子辛勤採五芝 汪藻齋房輝玉笋岱檢雜金泥

菌蠢朝承露熒煌夜吐霓 唐李白身騎白鹿行飄

飄手翳紫芝笑披拂 原杜甫知君此計誠長往芝草

琅玕日應長 李紳靈根盤錯呈天瑞寶葉蟬聯表地

祥 增宋黃庭堅卓仙在時養瓊芝深根固蒂活人命

陸游不用采芝驚世俗恐人謗道是神仙 魏阮籍

芝英耀朱堂 晉庾闡層霄映紫芝 齊王融五芝多

秀色 周庾信芝房脆似蓮 青泥美熟芝 唐孟浩

然采秀弄芝草 杜甫靈秀冠衆芳 張籍分采紫芝

苗 李商隱紫見地仙芝 皮日休盡日嗅金芝 宋

楊億芝苗畫如肥 梅堯臣芝以保萬壽 蘇軾黃公

獻紫芝

金元好問紫芝僅盈匊

魏曹植東上蓬萊

采靈芝

唐曹唐洞中天地足金芝

宋蘇軾枯朽猶

能出菌芝

元倪瓚赤城霞暖神芝秀

別錄增抱朴子凡求芝草入名山必以三月九月乃山
開出神藥之月必以三輔時出三奇吉門到山須六陰
之日明堂之時帶靈寶符牽白犬抱白雞包白鹽一斗
及開山符檄著大石上執吳堂草一把入山山神喜必
得見芝須禹步往來采以王相專和支干相生之日刻

以骨刀陰乾為末服乃有功效若不致精久齋行穢德薄又不曉入山之術雖得其圖鬼神不以與人終不可得見也 冥通記九莖紫茵琅葛芝一斤丹朱玉漿二

斗右二物細切芝竟仍以玉漿一斗漬之一宿埋陰垣之陽去垣三寸入土一尺以白瓦器容四斗許盛仍以瓦盤蓋之蠟密封之上土令厚二寸以今日午時埋至明日午時出之持之南行取已所住戶十二步乃置眠床頭按上至明日午時又以銅器盛煎之令火齊器底

勿令火燄出器邊也得三沸見又內玉漿一斗又加火
交二十九日見保命云勿犯霧露 天台山記峭壁下
一石如黑靈芝莖細而房大可愛 原花史靈芝仙品
也山中采歸以籬盛置飯甑上蒸熟曬乾藏之不壞
用錫作管套根揷水瓶中伴以竹葉吉祥草則根不朽
上盆亦用此法


御定佩文齋廣羣芳譜卷八十七

謹案第十一頁後七行景祐四年刊本祐訛佑據
宋史改

第三十三頁後五行滿堂坐客皆盧胡刊本盧胡
作胡盧據東坡詩集改

第三十七頁後七行盡日嗅金芝刊本金訛全據
唐詩本改





總校官庶吉士臣侍朝

校對官編修臣裴謙

謄錄舉人臣黃凝極